



Informacije o školama zbog koronavirusa (COVID-19) – informacije za roditelje i učenike

Sve australske vlade - savezna, državna i teritorijalna - priznaju važnost obrazovanja i zalažu se da se učenicima pruži podrška u učenju tokom pandemije virusa COVID-19.

Vlade država i teritorija kao i uprave nevladinih sektora odgovorne su za upravljanje i donošenje operativnih odluka za svoje škole. Za informacije o tome kako škole na vašem području reaguju na COVID-19, obratite se najprije svojoj školi i slijedite savjete svoje državne ili teritorijalne vlade. Niže se nalaze linkovi do državnih obrazovnih web lokacija za svaku državu i teritoriju:

[Australian Capital Territory](#)

[New South Wales](#)

[Northern Territory](#)

[Queensland](#)

[South Australia](#)

[Tasmania](#)

[Victoria](#)

[Western Australia](#)

Vlade država i teritorija složile su se da odluke o tome kako odgovoriti na COVID-19 u školama moraju i dalje biti dostavljane od strane stručnih, zvaničnih, nacionalnih i državnih savjeta za javno zdravstvo i obrazovanje.

Smanjivanje potencijalnog rizika od prenošenja virusa COVID-19 u školama

24. aprila 2020. je Glavni odbor za zaštitu zdravlja u Australiji (AHPPC) objavio [zdravstvene savjete \(health advice\)](#) u vezi sa smanjenjem potencijalnog rizika prenošenja virusa COVID-19 u školama. Ovaj praktični vodič i savjeti pripremljeni su za školske upravitelje koji su angažirani s djecom, roditeljima, nastavnicima i pomoćnim osobljem kako bi s još više smanjio relativno mali rizik prenošenja koronavirusa (COVID-19) u školama za vrijeme pandemije COVID-19.

Ukratko, ono što treba uzeti u obzir je sljedeće:

- **Za roditelje:** ako je vaše dijete bolesno, ne smije ići u školu. Morate ga ostaviti kod kuće i podalje od drugih. Imajte na umu da prilikom odlaska u školu održavate fizički razmak od drugih roditelja i nastavnika, uključujući i u vrijeme kada ostavljate djecu u školi i kada dolazite po njih.
- **Za djecu:** reci roditelju, staratelju ili učitelju ako se osjećaš bolesno.
- **Za nastavnike:** nemojte dolaziti na posao ako ste bolesni ili ste u osjetljivoj kategoriji.

- **Za sve odrasle:** najveći rizik od prenošenja virusa u školama je među odraslim osobama. Od najveće je važnosti da i nastavnici i roditelji održavaju fizički razmak između sebe i ostalih u školi.

Higijena

Podsjećamo učenike na sljedeće:

- Često perite ruke sapunom i vodom, uključujući i prije i nakon jela kao i nakon odlaska u WC.
- Koristite sredstvo za dezinfekciju ruku.
- Pokrijte usta laktom ili papirnatom maramicom kad kašljete i kišete (a ne rukama).
- Upotrebijene papirnatu maramicu bacite odmah u kantu za smeće i operite ruke.
- Pokušajte ne dodirivati lice i usta.
- Nemojte se držati za ruke s drugima i nemojte se rukovati.
- Pokušajte održavati veći razmak od ostalih nego inače.
- Izbjegavajte stajati u redu.
- Obratite se nekome ako ste uznemireni.

Aranžmani za učenike završnih razreda srednje škole i upis na fakultet

7. aprila 2020., ministri obrazovanja država i teritorija složili su se da će učenici završnih razreda srednje škole (učenici 12. godine) moći steći srednjoškolsku svjedožbu o srednjem obrazovanju ove godine, a ta će svjedožba olakšati upis na fakultet, daljnje obrazovanje i zapošljavanje.

NAPLAN

20. marta 2020. ministri obrazovanja odlučili su da se NAPLAN neće održati 2020. godine. NAPLAN je trebao biti održan od 12. do 22. maja 2020. godine.

Odluka da se NAPLAN 2020. godine ne održi donesena je da bi se pomoglo školskim ravnateljima, nastavnicima i pomoćnom osoblju da se fokusiraju na dobrobit učenika i kontinuitet obrazovanja.

NAPLAN je nacionalna procjena kojom se testiraju sposobnosti učenika u tri područja pismenosti - čitanju, pisanju i jezičnim konvencijama (pravopis, gramatika i interpunkcija) - i u računanju. Škole u svim državama i teritorijama pristupale su NAPLAN-u u maju svake godine od 2008. godine.